

Na osnovu člana 39. Ustava Hercegovačko-neretvanskog kantona („Službene novine HNK“ , broj: 2/98, 4/00 i 7/04) i člana 53. i 54. Zakona o zdravstvenoj zaštiti („Službene novine F BiH“, broj 46/10), člana 6. i 14. Uredbe sa zakonskom snagom o ustanovama („Službeni Glasnik R BiH“, broj 6/92, 8/93 i 13/94), Odluke Skupštine HNK broj: 02-01-XXXIII-107/14 od 30.04.2014 godine i Zaključka Skupštine HNK broj: 02-01-XVII-302/12 od 13.09.2012 godine, Skupština Hercegovačko-neretvanskog kantona, na sjednici održanoj dana 13.06.2014. godine donijela je

O D L U K U
O OSNIVANJU JAVNE USTANOVE
DOM ZDRAVLJA STARI GRAD MOSTAR

I

Osniva se Javna ustanova Dom zdravlja Stari Grad Mostar.

II

Puni naziv Javne ustanove je: Javna ustanova Dom zdravlja Stari Grad Mostar.

III

Skraćeni naziv je: J.U. Dom zdravlja Stari Grad Mostar.

IV

Sjedište Javne ustanove Doma zdravlja Stari Grad Mostar je u Mostaru na adresi: Osmana Đikića broj 6 Mostar.

V

Djelatnost Doma zdravlja Stari Grad Mostar je pod:

- 86.21 (djelatnost opće medicinske prakse), 86.22 (djelatnost specijalističke medicinske prakse), 86.23 (djelatnost stomatološke prakse), 32.50 (izrada zuba, zubala i zubnih proteza u zubotehničkom laboratoriju), 86.90 (ostale djelatnosti zdravstvene zaštite) shodno Odluci o klasifikaciji djelatnosti BiH („Službeni glasnik BiH“, broj: 47/10).

VI

Sredstva za rad Javna ustanova Dom zdravlja Stari Grad Mostar obezbjeđuje:

- ugovorom sa Zavodom zdravstvenog osiguranja Hercegovačko-neretvanskog kantona,

- ugovorom sa nadležnim Ministarstvom zdravstva,
- iz sredstava osnivača u skladu sa ovom odlukom,
- iz učešća korisnika zdravstvene zaštite,
- ugovorima po osnovu proširenog i dobrovoljnog zdravstvenog osiguranja,
- slobodnom prodajom usluga na tržištu,
- donacijama i pomoći,
- i iz drugih izvora u skladu sa zakonom ovom odlukom i statutom.

VII

Javna ustanova Dom zdravlja Stari Grad Mostar ima svojstvo pravnog lica.

VIII

Javna ustanova Dom zdravlja Stari Grad Mostar u pravnom prometu odgovara svom svojom imovinom-potpuna odgovornost.

IX

Međusobna prava, obaveze i odgovornost između osnivača i ustanove utvrditi će se statutom ustanove na koji saglasnost daje osnivač.

X

Višak prihoda nad rashodima ustanova će koristiti za obnavljanje i razvoj djelatnosti, dok će se višak rashoda na prihodima rješavati ugovorom između osnivača i ustanove.

XI

Ovlašteno lice koje će predstavljati i zastupati ustanovu do imenovanja organa upravljanja i rukovođenja biti će imenovano posebnom odlukom Vlade Hercegovačko neretvanskog kantona koja je sastavni dio ove odluke.

XII

Grad Mostar će svojom odlukom preuzeti osnivačka prava i obaveze Javne ustanove Dom zdravlja Stari Grad kad se steknu zakonom propisani uslovi, a do tada će osnivačka prava vršiti Vlada Hercegovačko neretvanskog kantona.

XIII


Rok za donošenje statuta ustanove i imenovanja organa upravljanja i rukovođenja je 60 dana od dana donošenja odluke o preuzimanju osnivačkih prava i obaveza od strane Grada Mostara.

XIV

Odluka stupa na snagu danom objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA

Broj: 02-01-XXXIV-155/14
Mostar, 13.06.2014. godine



Predsjedavajući

Šerif Špago

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04) i člana 53. i 54. Zakona o zdravstvenoj zaštiti („Službene novine F BiH“, broj: 46/10 i 75/13), člana 6. i 14. Uredbe sa zakonskom snagom o ustanovama („Službeni glasnik R BiH“, broj: 6/92, 8/93 i 13/94), Skupština Hercegovačko-neretvanskog kantona, na sjednici održanoj 29.12.2014. godine, donosi

ODLUKU

O IZMJENI ODLUKE O OSNIVANJU JAVNE USTANOVE DOM ZDRAVLJA „STARI GRAD“ MOSTAR


I

U Odluci o osnivanju Javne ustanove Dom zdravlja „Stari Grad“ Mostar („Službene novine HNK“, broj: 6/14), tačka XIII briše se.

II

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A
Broj: 02-01-III-289/14
Mostar, 29.12.2014. godine



Predsjedavajući

Šerif Špago